

2222
6-

Մ. ԱԹՈՌ Ս. ԷԶՄԻԱԾՆԻ
ՄԻԱԲԱՆԱԿԱՆ
ԿԱՆՈՆԱԴՐՈՒԹԻՒՆ



Ս. ԷԶՄԻԱԾՆԻ


Էլեկտրատար Տպարանի Մայր Արտադր

1917

13500


13500

Մ. ԱԹՈՐ Ս. ԷԶՄԻԱԾՆԻ
ՄԻԱԲԱՆԱԿԱՆ
ԿԱՆՈՆԱԴՐՈՒԹԻՒՆ



2222
f

Մ. ԷԶՄԻԱԾՆԻ
ԷԼԵԿՏՐԱԿԱՆ ՏԱԿՐԱՆԻ ՄԱՅՐ ԱՅՐՈՒՄ
1917



ՀՐԱՄԱՆԱԻ

Տ. Տ. Գ Է Ո Ր Գ Ա Յ Ե.

ՎԵՀԱՓԱՌ ԵՒ ՍՐԲԱԶՆԱԳՈՅՆ ԿԱԹՈՂԻԿՈՍԻ

Ա Մ Ե Ե ա յ Ե Հ ա յ ո ց

Հաւան գտեալ հաստատեմք
զայս կանոնադրութիւն Միաբա-
նական Ուխտի ս. Արքուդյս բաղ-
կացեալ յ 86 յօդուածոց եւ տամք
ի գործադրութիւն:

Գ Է Ո Ր Գ Ս.

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ի 1-ն Յուլիսի 1917 թ.

Ս. Էջմիածին

թ. 1173.

Ա.

Հ Ի Մ Ն Ա Կ Ա Ն Կ Ա Ն Ո Ն Ն Ե Ր.

§ 1. Ս. Էջմիածինն է Ամենայն Հայոց Հայրապետի
Աթոռը և բոլոր հայ վանքերի Մայրավանքը:

§ 2. Ս. Էջմիածնի վանքն ունի իւր միաբանութիւնը,
որի Գլուխն է Ամենայն Հայոց Հայրապետը:

§ 3. Ս. Էջմիածնի միաբանութիւնն է կուսակրօն-
ների հոգևոր ուխտ իւր յատուկ կանոնադրութեամբ:

§ 4. Ս. Էջմիածնի միաբանութեան նպատակն է՝
ա. — Աւետարանը քարոզել.

բ. — Հոգևոր կրթական գործին ծառայել.

գ. — Հայագիտութիւնն ու հայ գեղարուեստը մշակել.

դ. — Աստուածահաճոյ հիմնարկութիւններ հաստատել
և պահել.

ե. — Եկեղեցու համար պատրաստել հոգևոր վարիչներ.

§ 5. Միաբանական կեանքի հիմքը Հայաստանեայց
ս. եկեղեցու ընտրական և ժողովական (կօլլեգեալ)
սկզբունքն է:

§ 6. Ս. էջմիածնի միաբանութիւնը մասնակցում է Ամենայն Հայոց Հայրապետի ընտրութեան իւր ներկայացուցիչներով:

§ 7. Միաբանութիւնը վարում է համայնական կեանք:

§ 8. Ս. էջմիածնի միաբանութիւնն ունի եկամտի որոշ աղբիւրներ:

Բ.

Մ Ի Ա Բ Ա Ն Ո Ւ Թ Ե Ա Ն Կ Ա Չ Մ Ը

§ 9. Մ. Աթոռի միաբան են՝ ա. էջմիածնում ձեռնադրուած բոլոր եպիսկոպոսները, միաբան ընդունուած վարդապետները, սարկաւաղները և դպիրները:

§ 10. Միաբանութեան անդամ ընտրւում է նա, որ ունի՝

ա.—Քաղաքացիական հասունութիւն.

բ.—Բարձր կամ միջնակարգ կրթութիւն.

գ.—և հոգեկան ու մարմնական արատ չունի:

§ 11. Վանք մտնել ցանկացողը խնդիր է տալիս Վեհափառ Հայրապետի անունով, ներկայացնելով պատշաճ վկայագրեր, որն և ուղարկւում է միաբանական ժողովին:

§ 12. Միաբան ընդունող և արձակողը է միաբանական ժողովը Վեհափառ Հայրապետի հաստատութեամբ:

§ 13. Միաբանը կոչումից հրաժարուելու դէպքում խնդիր է ներկայացնում Վեհափառ Հայրապետին, որն և յանձնւում է միաբանական ժողովին:

Գ.

Մ Ի Ա Բ Ա Ն Ո Ւ Թ Ե Ա Ն Պ Ա Ր Տ Ք Ն Ո Ւ Ի Ր Ա Ւ Ո Ւ Ն Ք Ը.

§ 14. Նոր ընդունւող միաբանը ուխտում է Հայաստանեայց առաքելական ս. եկեղեցւոյ կարգերին հաւատարմութիւն և Ամենայն Հայոց Հայրապետին հնազանդութիւն:

§ 15. Իւրաքանչիւր միաբան պարտաւոր է կատարել իրեն յանձնուած աշխատանքը կամ պաշտօնը:

§ 16. Իւրաքանչիւր միաբան ունի սեփականութեան իրաւունք ընդհանուր հիմունքներով:

§ 17. Ս. էջմիածնի վանքն է օրինական ժառանգը իւրաքանչիւր միաբանի շարժական և անշարժ ստացուածքի մահուան դէպքում. բայց նա իրաւունք ունի իւր արդար վաստակը կտակով թողնելու բարեգործական և ազգօգուտ հաստատութիւններին:

§ 18. Միաբանի մահուան դէպքում ժառանգական իրաւունքը չի փոխանցւում վանքին:

§ 19. Միաբանների եկեղեցական յաջորդ աստիճանի բարձրացման համար միաբանական ժողովը միջնորդութիւն է յարուցանում Վեհափառ Հայրապետի առաջ:

§ 20. Ծայրագոյն վարդապետութեան աստիճան ստանալու համար հարկաւոր է գիտական աշխատանք ներկայացնել (աստուածաբանական և հայագիտական, մասնակի դէպքում նաև ընդհանուր գիտական): Ծայրագունութեան իրաւունք տրւում է նաև վկայեալ քարոզիչ վարդապետին:

§ 21. Միաբանութեան իւրաքանչիւր անդամ վանքում ստանում է հաւասարապէս՝ բնակարան, անունը,

վառելիք, լուսաւորութիւն, բժշկական խնամք և ուսումնական-կրթական զարգացման անհրաժեշտ միջոցները:

§ 22. Իւրաքանչիւր միաբան ստանում է, համաձայն իւր աստիճանի և պաշտօնի սահմանուած ռոճիկը:

Դ.

ՄԻԱԲԱՆԱԿԱՆ ԺՈՂՈՎՆԵՐ.

§ 23. Միաբանութիւնն ունի՝

ա.—Տարեկան ընդհանուր,

բ.—Ներքին միաբանական և

գ.—Արտակարգ ժողովներ:

§ 24. Իւրաքանչիւր միաբան ժողովներին մասնակցում է ձայնի իրաւունքով:

§ 25. Միաբանական ընդհանուր ժողովը կազմւում է վանքի միաբաններից, տարին մի անգամ, որի զբաղման առարկաներն են՝

ա.—Ազգային-եկեղեցական ժամանակակից հարցերի քննութիւն.

բ.—Դրսի և ներսի միաբանների գործունէութեան փոխադարձ ծանօթութիւն.

գ.—Վանական հաստատութիւնների և մարմինների տարեկան գործունէութեան քննութիւն.

դ.—Հաստատութիւն հաշիւների և նախահաշիւների.

ե.—Ընտրութիւն վանական հաստատութիւնների և մարմինների պաշտօնէութեան:

§ 26. Միաբանական ընդհանուր ժողովի նախագահն է Վեհափառ Հայրապետի ներկայացուցիչը:

Ընդհանուր ժողովն ընտրում է ատենապետ և երկու ատենադպիր, մէկ տարի ժամանակով:

§ 27. Միաբանական ներքին ժողովները գումարւում են ամիսը մի անգամ, որի քննութեան առարկաներն են՝

ա.—Վանական հաստատութիւնների և մարմինների ամսօրեայ հաշիւները.

բ.—Ընթացիկ խնդիրներ:

§ 28. Միաբանական ժողովները օրինական են, երբ ներկայ են միաբանների կիսից աւելին:

§ 29. Ժողովի որոշումները վաւերական են, երբ ստանում են ձայների կիսից աւելին և հաստատւում Վեհափառ Հայրապետից:

Ե.

ՎԱՆԱԿԱՆ-ՎԱՐՁԱԿԱՆ ՄԱՐՄԻՆՆԵՐ ԵՒ ՀԱՍՏԱՏՈՒԹԻՒՆՆԵՐ.

(ԸՆԴՔԱՆՈՒՐ ԿԱՆՈՆՈՅԵՐ).

§ 30. Ս. Էջմիածնի ներքին կեանքը կառավարում են վարչական մարմինները և հաստատութիւնների կառավարիչները:

§ 31. Վանական հաստատութիւնները ունին կառավարիչներ, իսկ վարչական մարմինները՝ խորհուրդներ:

§ 32. Ս. Հովհաննէի և Գայիանէի վանքերն ունին վանահայրեր, իսկ Զուարթնոցը՝ տեսուչ, որոնց ընտրում է միաբանական ընդհանուր ժողովը:

§ 33. Խորհուրդների անդամներին և հաստատութիւնների կառավարիչներին ընտրում է միաբանական ժողովը և առաջարկում ի հաստատութիւն Վեհափառ Հայրապետի:

§ 34. Վանական հաստատութիւնները ու խորհուրդները իրենց ներքին գործառնութեան համար ունին յատուկ հրահանգներ:

§ 35. Խորհուրդները և կառավարիչները պաշտօնը ստանձնելիս յանձնողական—ստացողական արձանագրութիւն են կազմում:

§ 36. Վանական վարչական մարմիններն ու հաստատութիւնները ունին՝ ղիւան, կնիք, ժապաւինեալ հաշւեմատեան, գոյքի ու կայքի տուժար:

§ 37. Վանական հաստատութիւններն ու վարչական մարմիններն, ունին՝ իրենց բիւջները և այդ սահմանում գործում են անկախ:

§ 38. Այն պաշտօնները, որոնց համար հնարաւոր չէ միաբաններից ընտրել, կարելի է աշխարհականի յանձնել ընտրութեամբ:

Զ.

Վ Ա Ն Ա Կ Ա Ն Խ Ո Ր Հ Ո Ի Ր Դ.

§ 39. Վանական խորհուրդը կազմուած է վանական հաստատութիւնների կառավարիչներից և վարչական մարմինների նախագահներից:

§ 40. Խորհուրդն ընտրում է իւր անդամներից՝ ատենապետ և քարտուղար:

§ 41. Խորհուրդը քննում և ներկայացնում է միաբանական ընդհանուր ժողովին.

ա.—Վանական վարչական մարմինների և հաստատութիւնների առաջարկները և գեկուցումները.

բ.—Տեղեկագրերը, հաշիւները, նախահաշիւները, ամսօրեայ ստուգութիւնները.

գ.—Հսկում է միաբանական ընդհանուր ժողովների վաւերացած որոշումների կատարմանը.

դ.—Մշակում է հրահանգներ վանական հաստատութիւնների և վարչական մարմինների համար, ներկայաց-

նում է միաբանական ընդհանուր ժողովին, որն ընդունելուց յետոյ առաջարկում է ի հաստատութիւն Վեհափառ Հայրապետի:

§ 42. Ս. Էջմիածնի Վանքն ունի իւր գանձարանը անկախ Մ. Աթոռի կենդրոնական գանձարանից:

§ 43. Գանձարանն ունի գանձապահ, որին ընտրում է միաբանական ժողովը և հաշուապահ:

§ 44 Վանական խորհրդի իւրաքանչիւր անդամ իւր տեսչութեան վերաբերեալ խնդիրների համար անհատապէս, իսկ Վանական Խորհրդի գործունէութեան համար հաւաքաբար, պատասխանատու է միաբանական ժողովին:

Է.

Գ Է Ո Ր Գ Ե Ա Ն Հ Ո Գ Ե Ի Ո Ր Ճ Ե Մ Ա Ր Ա Ն.

§ 45. Մ. Աթոռն ունի իւր ձեմարանը որի պահպանութեանը նպաստում է ս. Էջմիածնի վանքը իւր միջոցներով:

§ 46. Գ. Հոգևոր ձեմարանի տնտեսական վարչութեան մէջ մտնում է միաբանական ժողովից ընտրուած ներկայացուցիչը:

Ը.

Ո Ի Մ Ո Ի Մ Ն Ա Կ Ա Ն Խ Ո Ր Հ Ո Ի Ր Դ.

§ 47. Ուսումնական Խորհուրդը կազմուած է երեք անդամից:

§ 48. Խորհուրդի գործունէութեան շրջանն է քննել՝

ա.—Այն շարադրութիւնները, որ ներկայացնում են

միաբանները Մ. Աթոռի հաշուով հրատարակելու.

բ.—Այն կրօնա-բարոյական եկեղեցական գրուածքները, որոնք յանձնանարւում են Վեհափառ Հայրապետից:

գ.—Վարում է «Արարատ»-ի խմբագրութիւնը.

դ.—Մրցանակներ է նշանակում կրօնական եկեղեցական-հայագիտական գրուածքների համար:

§ 49. Խորհուրդը գրուածքների քննութեան համար կարող է դիմել ձեռնահաս և կարող անձանց:

Թ.

Մ Ա Յ Ր Տ Ա Ճ Ա Ր.

§ 50. Մայր Տաճարի ներքին բարեկարգութեան անմիջական հսկողն է Լուսարարապետը, որն ունի աւագ օգնական վարդապետ և կրտսեր օգնական երկու սարկաւագ:

§ 51. Լուսարարապետի պարտականութիւնները են՝
ա.—Հսկել եկեղեցում աստուածային պաշտաման և եկեղեցական կարգերի անթերի կատարման.

բ.—Անկորուստ պահել եկեղեցական անօթները, զարդերը, գրքերը, զգեստները և դոյքը:

§ 52. Լուսարարապետի կարգադրութիւններն եկեղեցում պարտադիր են՝

ա.—Աստուածապաշտութեան ժամանակ միաբանների համար.

բ.—Տաճարի պաշտօնեաների համար:

§ 53. Մայր Տաճարն ունի իւր Ժամօրհնողը:

§ 54. Մայր Տաճարն ունի մնայուն երգեցիկ խումբ և խմբապետ:

Ժ.

Մ Ա Տ Ե Ն Ա Դ Ա Ր Ա Ն

§ 55. Մատենադարանի նպատակն է նպաստել հայագիտութեան ուսումնասիրութեան, որի համար պէտք է աշխատել ի մի հաւաքել ամենուր ցրուած հայերէն ձեռագրերը և հայագիտութեան վերաբերեալ տպագիր հայ և օտարազգի լեզուներով բոլոր հրատարակութիւնները և հայ մամուլը:

§ 56. Մատենադարանը կառավարում է մատենագրարնապետը իւր օգնականներով:

§ 57. Մ. Աթոռն ունի իւր ընթերցարանը:

ԺԱ.

Թ Ա Ն Գ Ա Ր Ա Ն.

§ 58. Թանգարանի նպատակն է նպաստել հայ անցեալ և ներկայ կեանքի ուսումնասիրութեան, որի համար պէտք է ի մի ժողովել ազգային և եկեղեցական մշակութի ամենատեսակ հայ և օտարազգի արտադրութիւններն ու յուշարձանները:

§ 59. Թանգարանն ունի հետեւեալ բաժանմունքները՝
ա.—Եկեղեցական Թանգարան.

բ.—Ազգային հնութիւնների Թանգարան, ազգագրական բաժնով.

գ.—Պատկերասրահ.

դ.—Զուարթնոցի Թանգարան:

§ 60. Թանգարանը կառավարում է Թանգարանապետը իւր օգնականներով:

§ 61. Մ. Աթոռն ունի Վանական Հնագիտական Ընկերութիւն հայրենի հնութիւնները կործանումից պահպանելու

§ 62. Վանական Հնագիտական Ընկերութիւնն ունի իւր կանոնադրութիւնը:

ԺԲ.

Տ Պ Ա Ր Ա Ն.

§ 63. Տպարանի նպատակն է ծառայել ազգային լուսաւորութեան գործին, հրատարակելով կրօնա-բարոյական, հայագիտական, գրական-գեղարուեստական աշխատանքներ:

Սոյն նպատակին ծառայելու համար տպարանը պէտք է արդիւնաբերական հիմքերով կառավարուի:

§ 64. Տպարանն ունի իւր կառավարիչը և մասնագէտ օգնականը:

§ 65. Կառավարիչը հսկում է տպարանի, ձուլարանի, կազմատան, գրատան և թղթատան վրայ:

§ 66. Տպարանում հրատարակւում են Մ. Աթոռի պաշտօնական, գիտական թերթերը:

ԺԳ.

Հ Ի Ի Ր Ա Տ Ո Ի Ն.

§ 67. Հիւրատանն ընդունւում են՝
ա. — Դրսից եկած միաբանները,

բ. — Ուխտաւորները,

գ. — Պաշտօնական այցելուները:

§ 68. Հիւրատան կառավարիչն է հիւրնկալը:

ԺԴ.

Հ Ի Ի Ա Ն Դ Ա Ն Ո Յ

§ 69. Մ. Աթոռի հիւանդ միաբանների համար կայ հիւանդանոց:

§ 70. Հիւանդանոցն ունի իւր բժիշկը, դեղատուներ, դեղագործը և հիւանդապահները:

§ 71. Հիւանդանոցն ունի իւր կառավարիչը:

ԺԵ.

Ս Ե Ղ Ա Ն Ա Տ Ո Ի Ն.

§ 72. Միաբանութիւնն ունի իւր եղբայրական սեղանատուներ:

§ 73. Սեղանատունն ունի իւր կառավարիչը, որի հսկողութեան տակ են գտնւում խոհանոցը և մառանը:

ԺԶ.

ՄԹԵՐԱՆՈՅ-ՀԱՆԴԵՐՁԱՏՈՒՆ

§ 74. Միբանութեան սենեակների և հիւրատան կահաւորութեան համար կայ միբերանոց-հանդերձատուն:

§ 75. Միբերանոց-հանդերձատունն ունի իւր կառավարիչը, որը հոգում է միաբանների սենեակների միօրինակ կահաւորութիւնը:

§ 76. Հանդերձատանը հաւաքւում են վախճանուած միաբանների անձնական գոյքերը:

ԺԷ.

ՎԱՆԱԿԱՆ ԿԱՌԱՎԱՐՈՒԹԻՒՆ.

§ 77. Վանական Կառավարութիւնը՝ ա. կառավարում է ա. էջմիածնապատկան բոլոր կալուածները, բ. հսկում է նրանց եկամուտների վրայ, գ. հսկում է վանքի տնտեսական հիմնարկութիւնների (էլէքտրական կայարան, փուռ, ագարակ, շտեմարան, գինետուն, և այլն). միաբանական քնակարանների, գերեզմանատան բարեգարդութեան և վերանորոգութեան վրայ:

§ 78. Վանական Կառավարութիւնը կազմուած է հինգ անդամից:

§ 79. Վանական Կառավարութիւնը պէտք է ունենայ Վանքի բոլոր կալուածագրերի և յատակագծերի վաւերական պատճէնները:

ԺԸ.

ՎԵՐՍՏՈՒԳԻՉ ՄԱՐՄԻՆ.

§ 80. Վանական բոլոր հաստատութիւնների և մարմինների ղրամական հաշիւները քննում է Վերստուգիչ Մարմինը:

§ 81. Վերստուգիչ Մարմինը բաղկացած է երեք անդամից:

§ 82. Վերստուգիչ Մարմինը իւր ղիտողութիւնները, նկատողութիւնները յանձնում է Վանական Խորհրդին:

§ 83. Վերստուգիչ Մարմինը բացի կանոնադրութեամբ որոշած ստուգութիւնները, կարող է արտակարգ վերստուգութիւններ կատարել:


§ 84. Արտակարգ վերստուգութիւններ կատարում են երբ, որոշում է Միաբանական Ժողովը ինքը, Վերստուգիչ Մարմինը և երբ խնդիր է յարուցանում վանական որևէ վարչական մարմին կամ խորհուրդ:

ԺԹ.

ՄԻԱԲԱՆԱԿԱՆ ԿԱՆՈՆԱԴՐՈՒԹԵԱՆ ՎԵՐԱՔՆՆՈՒԹԻՒՆ.

§ 85. Սոյն կանոնադրութեան մէջ կարող է փոփոխութիւն լինել Միաբանական Ընդհանուր Ժողովի ^{2/3}-ի ցանկութեամբ:

§ 86. Մինչև նոր կանոնադրութեան հաստատուելը գործադրում է հինը:



ՄՄ Հայագիտական գրադարան



MAL011980

